

# Powšitkowne WOZJEWJENJA

njedźelu, 13. septembra 2020

## Wustajeńca wo česćowanju swjateho Bosćana z wodženjemi njedźelu

W Chróšćanskim Hórnikowym domje budže wustajeńca wo česćowanju swjateho Bosćana w Chróšćanskej wosadže po krótkej přestawce zaso wot njedźele, 13. septembra, hač do wutory, 29. septembra, přistupna. Potom změja zajimcy njedźelu po wšěch kemšach kaž tež po nyšporje hač do 17 hodź. a wutoru wot 17 do 19 hodź. přiležnosć, sej ju wobhladać. Njedźelu, 13. kaž tež 20. septembra, budžetej wodženi po nyšporje w 14.45 hodź. a dalše w 16.00 hodź. Wustajeńca nastu w zamolwitosći Towarstwa Cyrila a Metoda z.t. zhromadnje z Chróšćanskej wosadu a tamnišim Bratstwom swjateho Bosćana składnostnje lětušeje 600. róčnicy załoženja tohole bratstwa.

## Kermušny hudźbny nyšpor

Swjatočny dwurěčny kermušny hudźbny nyšpor swjeća tutu njedźelu, 13. septembra, w 17.00 hodź., w Budyskej cyrkwi Našeje lubeje knjenje. Na nim skutkuja sobu Magdalena Römhild z Weimara na huslach, Friedemann Böhme na piščelach a spěwarjej Magdalena Kircheis (sopran) a Christian Lutz (tenor) z Drježdžan. Wšitcy su wutrobnje přeprašeni.

## Patronatne kemše Domu swjateje Ludmile

Wobydlerjo a přistajeni Domu swjateje Ludmile w Chróšćicach swjeća srjedu, 16. septembra, swój patronatny swjedžen. Džakna Boža mša budže w 10 hodź. we wosadneje cyrkwi. Wšitcy wěriwi su wutrobnje přeprašeni.

## Nyšpor z požohnowanjom konjacych zapřahow

Towarstwo Cyrila a Metoda z.t. přeprašuje wšitkich wěriwych tež lětsa na wosebity nyšpor domchowanki z požohnowanjom konjacych zapřahow. Tutón budže přichodnu njedźelu, 27. septembra, w 14.00 hodź. w Chróšćicach na łuce při Hatkach. Nyšpor wobrubja wosadni dujerjo.

## Marije-Marciny dom nawjedować

Klášter Marijina hwězda pyta za swój Marije-Marciny dom za zbrašenych nowu wosobu za jeho nawjedowanje. Městno ma so 1. januara 2021 wobsadzić. Wobšěrne wupisanje z konkretnym profilom dželoweho města je na internetnej stronje [www.marienstern.de](http://www.marienstern.de). wozjewjene. Zajimcy měli swoje pisomne podložki hač do 15. oktobra w kláštrje zapodać.